

ularis, Numidia Consularis, Bizacium Consularis, Tripolis & Mauritania due, hoc est, Sitifensis & Casariensis sunt Presidiales.

II.

CARTHAGO
METROPOLIS
AFRICÆ.

^a Ex Notit.
Græca, quæ su-
pra.
^b Virgilius Æ-
neid. I.

Porro Africa cum multæ & variæ civitates sint, unam tamen habet præcipuam & admiratione dignam (ut legitur in supra laudata Notitia ^a Græca) quæ dicitur Carthago, quam Tyria mulier condidit nomine Dido: quæ cum in Libyam venisset, locum emit, ut ait ^b Virgilius:

Facti de nomine Byrsam,

Taurino quantum possent circumdare tergo.

¹ Hæc structura elegantia gloriosissima constat: formosissimum verò locum instar luci habet; olivum ubi arbores ordine confite sunt. In vicos æqualis est. Et cum portum habeat in primis visu admirandum, mare citra ullum navium metum, serenum præstare videtur, adeo is tutus est. Eximium item opus publicum in ea invenies, vicum argentariorum. Inter voluptatum autem genera unicum spectaculum Munerum Gladiatoriorum contentiosissime habitantes spectant. Ipsa verò Africa regio est longe maxima, & beata, & dives. Homines verò habens patria indignos: regio quippe ipsa optima, homines verò non æque: fraudulentis quippe ferme omnes esse dicuntur, qui aliud quidem dicant, aliud verò faciant. Quare haud facile bonus quis inter eos reperitur: quamquam & inter multos pauci boni esse possunt. Diu Romæ æmula, tandem à Scipione

^c Florus de ge-
stis Rom. lib. 2.
c. 15.

minore capta est, & penè diruta. Quanta autem urbs deleta sit, inquit Florus ^c, ignium mora probari potest: quippe per continuos decem & septem dies vix potuit incendium extinguere, quod domibus ac templis suis sponte hostes immiserant, ut quatenus urbs

^d Eutrop. Hi-
stor. Rom. l. 4.

eripi Romanis non poterat triumphis, arderet. Postea tamen, inquit Eutropius ^d, Lucio Cæcilio Metello, & Titio Quintio Flaminio Consulibus Carthago in Africa jussu Senatus reparata est, quæ nunc manet, annis duobus & viginti postquam à Scipione fuerat eversa: Deducti eò sunt cives Romani. Sed hæc satis circa Notitiam Civilem.

III.

AFRICANI E-
PISCOPI ROMA-
NO PATRIAR-
CHÆ SUBJECTI.
^e Innoc. P. I.
Epist. ad De-
cent. Eugub.

² Quantum ad Ecclesiasticam, mirum non esse quod hæc provinciæ Romano Patriarchæ subditæ fuerint, & non Alexandrino, jam libro de Patriarchatu Romano diximus; rationemque dedimus ex Innocentio primo ^e, quod nullus in Africa Ecclesias instituerit præter eos, quos venerabilis Apostolus Petrus, aut ejus successores, constituerunt Sacerdotes. Mos enim invaluit ab Ecclesiæ incunabulis, ut ei regioni, quam quisque Patriarcharum Christianam fecerat, imperaret. Cur autem in Africam Romani Pontifices potius quam Alexandrini viros Apostolicos, qui Euangelium prædicarent, miserint, hinc factum est, quod longè vicinior sit Romæ, à qua brevissimo maris tractu distat, quam Alexandria. Adde quod lingua Latina quæ Italicorum germana; Africanis communis & usitata esset, non autem Egyptiis, qui Græca uterentur. Sed & subiungi potest, quod Africa inter dioceses Occidentales semper habita sit. Cum enim Episcopus Romanus totius Occidentis esset Patriarcha, nemini alienum ab eo videbitur, si in eam operarios virosque Apostolicos miserit, sapiusque postea Patriarchalem authoritatem exercuerit, & ab Africanis Episcopis in omnibus pro Patriarcha honoratus sit.

^f Cyprianus
Epist. 45. & 55.

^g Optat. Mil.
lib. 2.

Revera magno cum honore magnaque cum obedientia sedem Romanam ejusque decreta venerati sunt Africani. Hanc Ecclesiæ Catholicæ Radicem & Matricem vocat ^f Cyprianus, nec non Petri Cathedram, atque Ecclesiam principalem, licet judicium de rebus fidei majorisque momenti ad generalem totius Ecclesiæ Synodum spectare forsan crediderit. Nec minoris fidei verba sunt Optati Milevitani ^g, qui multoties Romanam sedem Petri Cathedram ipsumque Petrum Principem nostrum vocat, quique his verbis Donatistas ab ea Schismate divisos alloquitur: Videndum est, qui & ubi prior Cathedra sederit: si ignoras, discere: si nosti, erubescere. Ignorantia tibi adscribi non potest. Restat ergo ut noveris.

Sci-
ent.

NOTÆ LUCE HOLSTENII.

¹ Hæc structura elegantia] Egregium locum in laudem Carthaginis, & de Episcopi illius primaria auctoritate habes apud Augustinum Epist. 162. contra Donatistarum pertinaciam.
² Quantum ad Ecclesiasticam &c.] Præcipuum hanc in rem testimonium Tertulliani lib. Præscrip-